

開慶四明續志

四明續志卷第五

新建諸寨

夜飛山永平寨

介明粵之間有山曰夜飛東距慈溪西接餘姚
舟行之衝也大江派分一支繇慈溪至丈亭
四十五里江面狹而居民稠丈亭十五里而
蜀山又五里而夜飛山又十里而咸池則閭
無聚落蒲葦之儔於焉出沒輔以逋藪過者
病焉先是鄉民告于郡欲自大江之北慈溪
西亭浚橫經運河迂道夜飛山後出餘姚之

桐下湖以避江行大府得制幙趙若埜泣其事且咨之里父老相厥宜以度上功至則淤沙斷港知必爲齏餗費且曲折迂迴亦匪利涉旣而得淳熙間慈溪尉趙汝明墨刻載

制帥參政范公

成大

嘗於其地置邏舍十所

籍丁壯四百舟六十舍以三人直夜邏然更迭煩擾久竟廢於是

制置大使丞相吳公精思熟籌惟民是便市地創寨爲屋二十餘楹遣戍置屯爲軍五十輩統以偏校餉以生券給以軍艦漁戶之瀕

江者有籍漁舟之助巡者有番守衛專而行
旅無攸攘之虞規模定而里社無煩苛之擾
一洗前久簡陋之弊可以爲悠久無窮之利
矣

一寨基

買徐再七徐再二元買應以敬應宥說
水田二畝一角二十七步

一寨屋

門三間

廳三間

堂三間

中亭一間

廊房十二間

廚屋四間

續通志卷三
制府撥錢三千貫令兩都義役主事
起造毫髮不許科擾仍支錢二百五
十貫做造床榻什物以開慶元年三
月十七日入寨寨以永平爲名

一軍兵

定海水軍每季輪差五十名仍撥爲光
化字號戰船三隻以將佐一員
轄之

一軍兵生券

每名月添支米七斗五升錢一十貫歲

計米四百五十石錢六千貫文
並係制府創支

一巡船

八都共團結漁戶船四百二十八隻每
夜輪五船巡邏置牌五面就丈
亭咸池兩處置局夜潮生則自
丈亭局請牌發船次早納牌於
咸池局夜潮落則自咸池局請
牌次早納牌於丈亭局仍免官
司諸色差科大槩一季僅當一

夜巡警之勞却可免州縣不時之役

向頭寨

中興駐驛錢塘恃險為衛然所以為衛者不干天于其人於是平江有許浦水軍嘉興有澈浦水軍慶元有定海水軍皆創自

先朝者也

大使丞相吳公守嘉興日又創金山水軍為澈浦外拓今以舊弼建太閤于鄞網繕牖戶益旣乃心謂定海水軍防制倭麗則有餘昇

蔽京師則不足周爰咨詢有地名曰向頭近在定海之裏其面勢與金山相直南抵錢塘東接溫台西通蘇秀北達青齊海舟胥此焉出聞于

上即其地置屯又謂鳴鶴巡檢司距海二十里於警捕非宜併移戍其傍聯絡聲援京師左右前後之衛始益密矣廼委本司屬官趙若埤水軍統制邢子政踏逐地段起造兩寨共三百三十六間經始於寶祐六年之二月竣事於八月續因軍民之請以向頭三面鯨

波有泥塗二三里南與渭河接自渭河三四里始通外河居焉者陸運薪米以給日用勞且費今新寨成生聚益衆不宜使之負戴於道路復劄統領吳雄浚新河八百九十九丈築東西海塘自石人頭山至瓜誓山九百七十四丈自贍軍庫至龍尾山四百八十丈偃豬有規原防有町舟楫流通咸便之凡一竹木之直一夫役之費尺地寸土之市易連營列竈之遷移官給錢各有差工匠雜色錢六萬二千五百六十二貫七百八十文米四百

一十石五斗九升二合五酌雇夫輦運竹木
錢七千貫水軍寨兵般家錢一萬五百一十
貫兩寨基地交易錢一千三百一十貫浚河
築塘錢九千八百貫

奏狀

臣聞防江海之險與防平陸之險不同防平陸
之險專以人力防江海之險專以人謀蓋賊
雖有千艘萬艦纔一開岸則爲風水所使散
漫四出決不能成鯨合伴并力于我我但得
精卒三千人堅好之舟三十隻屯泊于賊所

必經之地一舟過則殺一舟自可使之無復
遺類此機六韜三略之所不載而前史往謀
之所未詳也臣竊惟自

中興南渡立國錢塘所以創許浦水軍于平
江創澈浦水軍于嘉興創定海水軍于慶元
無非爲京師左右前後門戶之防但許浦枕
揚子江而置司去京師爲遠惟澈浦去京師
爲近而不知澈浦之外又有所謂金山乃應
于舟楫所必經從稍泊之地臣二紀之前假
守嘉興適逆全有窺海之意臣遂具申

朝廷創招水軍千人于金山又爲澈浦之外
拓至今人以爲宜今定海水軍雖得控扼之
地然於防制倭麗則有餘而於遮護京師則
不足若曰山東之賊欲送死鯨波則自膠西
放洋遶淮東料角諸沙之外自有徑截洪道
直達前所謂嘉興之金山不必更放大洋不
測之淵而至定海也故曰定海之屯於防制
倭麗則有餘而於遮護京師則不足臣今體
訪定海之裏有地名曰向頭至錢塘江只一
潮汛乃應千舟楫所必經從上潭之處與嘉

興之金山亡以異而形勢則過之且有地可
以建寨有山可以藏舟臣所招剌闕額水軍
五百人人人必皆選士就彼屯駐設有緩急
則增兵占守可以萬舉萬全而京師有金湯
之固矣昔

高廟朝御史中丞沈與求嘗奏云議者皆欲
於向頭置屯使賊至此已是入吾腹心之地
蓋是時登萊海密尚與

本朝相關而高麗亦羈縻未絕故或者猶有
不肯宴安江沱之意而與求之論所以欲向

外下工夫今時異事殊目所以舉此一節者
欲乞證向頭置屯

先朝諸臣固嘗言之非目之苟言也

營寨酒庫屋

一水軍分戍營共二百一間定海水軍分撥
一百五十名在下居止

門屋三間

天王堂三間

將官解舍廳堂軒屋等二十三間

寨後門屋一間

教場亭三間

軍房一百六十八間計二十八號每號

六間

一土軍移戍寨共一百二十九間鳴鶴巡檢
司移屯九十七名在下居止

門屋三間

天王堂三間

巡檢解舍廳軒堂屋等一十九間

寨後門一間

教場亭三間

軍房一百間計二十六號內二十二號

各四間四號各三間

一贍軍酒庫屋六間

營寨基地

趙萬二住草屋兩間兩厦及種麥四片三畝二角其地係官塗草蕩支般移錢五十貫種子錢三十貫

翁再十七六畝二角二十步支錢三百二十九貫一百七十文住瓦屋三間一厦支般移錢五十貫

翁再十四三畝二角四十八步支錢一百八十五貫住瓦屋五間一厦支般移錢五十貫

陳大琳二畝三十步支錢一百六貫二百

五十文

方千三一畝三角二十步支錢九十一貫

六百七十文

戎九四一畝一角一十二步支錢六十五

貫

虞四乙一畝三角支錢八十七貫五百文

姜萬五一畝一角二十步支錢六十六貫

六百七十二文

翁左三三角支錢三十七貫五百文

虞從一一畝支錢五十貫

翁晉卿二角支錢二十五貫

翁千六官人翁千六三官人三畝一角支

錢一百六十二貫五百文

翁三十官人二畝支錢一百貫

九寨巡檢

沿海九寨曰鮎崎太高管界海內白峯岱山三姑岑江螺頭寨官舊差軍班部吏任子軍無政直棘門霸上之兒戲耳脫有緩急俾壯聲援可乎寶祐五年七月

大使丞相請于

朝以九寨隸制司許從選辟紀律整嚴脉終融貫實軍政之一助

詳具奏篇

省劄

照對本司恭準樞密院劄子備奉

宣諭指揮令本司條具海道事宜務在整頓
舟師訓習水軍繕治器械凡有緊切衝要去
處作急措置嚴為關防務要上下接連聲勢
聯絡常切探望往來巡遶以防出沒衝突無
或玩愒時日以致稍有疎虞本司恭稟繼即
行下定海水軍詳度利害逐一條具以憑施
行今據本軍申到事理粗為詳悉謹備錄在
前但其間尚有開析未盡及合區處項目本
司謹具件劃奏申如后數內一項此邦沿海
凡九寨曰鮎崎大嵩管界海內白峯岱山三

姑岑江螺頭計土軍一千四百八十三人
朝廷初立本欲與定海水軍相為犄角肅清
海道承平既久寨無可用之卒卒無可用之
舟半是買闌半是占借教練不習擊刺不閑
兼九寨巡檢多係軍班部吏任子並不諳所
謂海道事宜且不曾接風濤足未嘗覩海岸
惟循常襲故培植自肥而已故此一千四百
八十餘人之土軍徒費

國家錢糧未賜無具其矣區區欲望
朝廷將九寨巡檢向法遇有滿替之久許從

制司選辟曾從軍伍諳熟海道慣會船水之人充巡檢職事庶幾頭目之人以漸更易衆聽不驚而寨卒亦漸可訓齊教習以無用爲有用仍遇有盜賊許令定海水軍主兵官會合調遣一應功賞並與水軍一體施行實爲海道悠久利便右七月二十四日奉

聖旨依所乞將九寨巡檢遇滿替日本司自行選辟慣習海道曾經管軍人其土軍仍聽節制教閱劄送沿海制置大使司關牒施行

烽燧

烽燧列於荆淮百年矣義士目擊而痛心焉浙左股肱郡耳不金革烽燧奚爲哉論者固爲海道之防爾

指揮本末

寶祐六年秋九月準樞密院劄子勘會邊聲日急賊謀窺伺海道意向叵測所合嚴行措置已火速劄諳練海道主兵官相眎險要把截水路嚴密關防并劄許浦澈浦金山於本軍地分晝夜往來巡連仍自金山以至徘徊

頭竊立烽燧接連澈浦聲勢并割本司行下定海水軍一體措置聯絡聲援遂專委官同統制按眎險要均布地界置立烽燧分爲三路皆發軔於招寶山其在海洋者自招寶山至海道壁下山共十二鋪其抵向頭者自招寶山至沿海向頭寨共九鋪其達府城者自招寶山至沿江本府看教亭共五鋪鋪用兵五名合千人一名往來照管巡轄及招寶山一鋪增差合千人一名沿海以至向頭沿江以至府城亦如之鋪兵口券每半月一番支

給每夜發更時自看教亭膏號火平安牌至
帳前傳入押教報覆蓋法當於奉國軍樓置
立一鋪相映以內郡耳目易駭遂從看教亭
密傳一牌竟達轅帳而沿江沿海號火疾馳
觀者竦懾惟海洋十二鋪脫遇雲霧四塞日
不堪舉旗夜不堪舉火則以響砲爲號具見
申省狀中茲不盡載云

一海洋自招寶山至石衙壁下山共十二

鋪

招寶山至烈港山一鋪一名獵港

招寶山帶東北取烈港山約一
潮可到傍近雖有七里嶼鐵杵
山俱是小山每有風潮海浪皆
衝激而上不可置立烽燧若天
氣清明煙旗火號僅可相應或
遇海氣冥濛霧露遮蔽風雨晦
暝皆難應號

烈港山至五嶼山一鋪

烈港山有人煙西北取五嶼山
約一潮可到傍近別無以次山

嶼若天氣清明煙旗火號僅可
相應或遇海氣冥濛霧露遮蔽
風雨晦暝皆難應號

五嶼山至宜山一鋪

五嶼山無人煙東北取宜山約
一潮可到傍近別無以次山嶼
若天氣清明煙旗火號僅可相
應或遇海氣冥濛霧露遮蔽風
雨晦暝皆難應號

宜山至三姑山一鋪

宜山有人煙西北取三姑山約
兩潮可到傍近別無以次山嶼
緣相隔稍遠不問晴明陰晦煙
旗火號皆難相應

三姑山至下千山一鋪

三姑山有人煙東北取下千山
水路約一十伍里若天氣清明
煙旗火號皆可相應或遇海氣
冥濛霧露遮蔽風雨晦暝皆難
應號

下千山至徐公山一鋪

下千山無人煙東北取徐公山
約一潮可到傍近別無以次山
嶼若天氣清明煙旗火號僅可
相應或遇海氣冥濛霧露遮蔽
風雨晦暝皆難應號

徐公山至鷄鳴山一鋪

徐公山有人煙帶西北取鷄鳴
山約四潮可到傍近別無以次
山嶼緣相去隔遠不問晴明陰

晦煙旗火號皆難相應

鷄鳴山至北沙山一鋪

鷄鳴山有人煙直東取北砂山
隔一港煙旗火號皆可相應

北砂山至絡華山一鋪

北砂山有人煙直北取絡華山
約一潮可到傍近別無以次山
嶼若天氣清明煙旗火號僅可
相應或遇海氣冥濛霧露遮蔽
風雨晦暝皆難相應

絡華山至石衙山一鋪

絡華山東北取壁下山直西取
石衙山皆有火煙風水順便半
潮可到風水稍逆便用一潮傍
近別無以次山嶼若天氣清明
煙旗火號僅可相應或遇海氣
冥濛霧露遮蔽嵐雨晦暝皆難
應號

石衙山至壁下山一鋪

白石衙山東北以至西北別無

山嶼皆是深洋大海浩浩無垠

壁下山一鋪

一沿海自招寶山至向頭共九鋪

招寶山二十里至陶家酒店一鋪

陶家店約十八里至貝千念五家前一

鋪

貝千念五家前約二十餘里至澥浦山

正覺寺前一鋪

澥浦山頭約一十五里至沙角頭陳亞

三家前一鋪

沙角山頭約一十餘里至伏龍山尾徐

亞三家前一鋪

伏龍山尾約一十五餘里至施公山王

友二家前一鋪

施公山約一十八里至周家塘鹽場周

太家前一鋪

周家塘鹽場約二十里至下澤山頭林

太家前一鋪

下澤山頭約一十餘里至向頭山分戍

營界翁太家前一鋪

向頭山分戍營一鋪

一沿江自招寶山至府城五鋪

招寶山約一十五里至石橋渡沈季二

太家前一鋪

石橋渡約一十五里至馬阻匯徐鹽戶

家前一鋪

馬阻匯約一十里至路林楊再八太家

前一鋪

路林約一十二里至白沙王太家前一

鋪

白沙約八里至本府看教亭一鋪

本府看教亭一鋪

申省狀

照對本司連準密割備奉

宣諭據自割子內所陳海道事宜分爲上中
下三屯將台溫明越四郡民船屯泊於岱山
岑澁三姑山列港四處仍發定海水軍舉江
三姑巡檢司出軍能弓弩手者數攤逐處民
船置烽燧水澆互相應援等事潛除已分委
官屬親往各州同守臣鄉宦從公集議將去

歲已行義船規約并將應于海舟團結外竊
照潛素於四方山川江海水陸險要頗知大
畧二年備數瀛閩尤得其詳凡海道當行事
宜固已一一粗舉今者邊遽之急適當因任
之初潛朝夕思惟幾忘寢食尤不敢以紙上
具文塞責所有烽燧一事已檄上定海水軍
統制指授圖冊令其將帶撥發壕寨合千人
等親涉海島相度地勢日舉煙旗夜舉火號
審試的實排比次第共烽燧二十六鋪自定
海水軍招寶山至烈港山自烈港山至五嶼

山自五嶼山至宜山自宜山至三姑山自三姑山至下干山自下干山至徐公山自徐公山至鷄鳴山自鷄鳴山至北砂山自北砂山至絡華山自絡華山至石衙山自石衙山至壁下山此大海洋之中十二鋪也又自招寶山至陶家店自陶家店至貝念五家前自貝念五家前至澥浦山頭自澥浦山頭至沙角山頭自沙角山頭至伏龍山尾自伏龍山尾至施公山自施公山至周家塘自周家塘至下澤山頭自下澤山頭至新建向頭山水軍

土軍兩寨此自定海水軍至向頭山之九鋪也自招寶山至石橋渡自石橋渡至馬阻隘自馬阻隘至路林自路林至白沙自白沙至本府看教亭此自定海水軍至慶元府城下之五鋪也已一面造辦鋪屋分差鋪兵悉用邊淮規模措置經理矣所有分屯一事已照密劄差委本司添差制幹劉錫前往撞點各於戍所批曆爲照專俟三郡團結公定番次舟隻南自烏崎頭北自石衝中自三姑山至大七小七與夫神前礁壘馬跡胸山長塗岑

江岱山烈港及近準行下洋山等處分布擺
泊矣但烽燧雖當置而立烽燧於海洋之中
者不容不慮分屯雖當備而求分屯於海洋
之外者尤所當憂且長淮烽燧相隔十里此
舉彼應速於置郵今前所謂海洋十二鋪如
石衙壁下者孤立海中四無畔岸雲氣昏塞
風雨晦暝覲面之間猶無所覩而何以責其
號火之相應蕪海寇切齒水軍今以數人置
之孤嶼脫有盜至直机上肉又往來經商之
舟常與賊舟混轂遇夜停泊亦是舉火今雜

然無別何以取證潛已爲之區處遇旗煙號
火不可覩望之時則以舉砲爲號是雲氣昏
塞不足以隔我之應號也至於每夜舉火爲
號必以五起五落爲準待彼相應方始住火
是商舟舉火不足以亂我之應號也它如孤
嶼數兵慮遭賊手則於海山諸處增其人數
選其膂力授之兵器使之可以相衛是盜賊
之患亦可無慮所謂立烽燧於海洋之中潛
固已悉爲之處矣然置烽立屯規模措置與

近日

密剗坐下澈浦所置烽燧之處及許浦所申
隄防捍禦之處皆不過在吾境數百里海洋
之間而已廼若世浸滔天茫茫無際目力之
所不接兵力之所不及固當防之於藩籬之
外如待其入吾腹心而圖之則晚矣且以賊
人自新舊海州大海言之則其所經由者有
三路所謂三路者賊欲侵擾淮東則自舊海
發舟直入贛口王家寨迤邐轉料至青龍江
揚子江此襄洋也若欲送死浙江則自舊海
發舟直出海際緣贛口之東杜鵑沙野沙絲

沙姚劉諸沙以至徘徊頭金山澈浦此外洋也若欲送死四明則外洋之外自舊海放舟由新海界分東陳山之表望東行使復轉而南直達昌國縣之石衙關輿然後經岱山岑江三姑以至定海此大洋也凡此三洋其源頭皆自新海東西陳山之表裏所謂防之於藩籬之外者或其在此上下乎惟是潛職分所在責在大洋所以擺布悉從定海而始但目今軍分出戍既多在寨無幾又前此主兵官不得其人如舊軍器之類無一旗一矢之藏

方此兩年旋爲之備一番調遣又覺單虛潛
自當極力釐補不敢縷陳私復惟念賊若不
由大洋以窺定海則或轉料從裏洋而窺揚
子江否則由外洋徑窺浙江其由轉料從裏
洋而窺揚子江則有許浦水軍其由外洋而
窺浙江則有澈浦金山水軍但轉料一說恐
非敵大紿軍之徑路蓋海商乘使巨艘滿載
財本慮有駛洋外洋風濤不測之危所以緣
赴西北太岸尋覓洪道而行每於五六月間
南風漸長西分行船至潮長地分即便拋泊

留此一分長潮以避砂淺此路每日止可行
半潮期程以爲保全財貨之計若賊舟窺伺
叵測豈肯曠日持久迂回緩行使人知而避
之此轉料從裏洋入揚子江一路潛以爲決
不出此然則稍減料角一帶之備而趨出三
兩層塘加東西兩岸上下一帶之備以遏其源
頭夫亦可爲愚者千慮之一乎若論二洋形
勢則外洋愈緊此潛所以新置向頭一寨與
金山澈浦相接實爲

行朝密布第二重門戶蓋恐在邊遠未急之

先矣并陳梗槩須至申者

探望

定海水軍舊例月差軍兵出洋其目有三曰三
洋巡遶曰北事探望曰港口守把異時差卒
不多率應故事不支口券俾就食本身月請
居者需贍給行者仰資糧皇皇無所懇諉曰
港口守把者去寨近更番歸哺不過勞勩而
已若巡遶則自烈港轉蘇州大洋遠至許浦
若探望則自神前等處遠至海鹽礁脫阻風
迴程不可期糧且乏絕何暇悉心 國事

大使丞相分閫以來各項差兵倍撥人數且不問遠邇每兵令項月給生券錢七貫米七斗三項凡三百七十六人歲支錢三萬一千五百八十四貫文米三千一百五十八碩四斗皆於措置酒息錢及外邦糴到米內支撥士飽而歌人百其勇竭勞巡覈奸隱汛清三年之間滄溟晏然蒲葦不驚其利弘矣

四明續志卷第五

四明續志卷第六

三郡隘船



明爲左馮翊而州瀕於海鱷波吐吞渺無津涯
商舶之往來於日本高麗虜舟之出沒於山
東淮北撐表拓裏此爲重鎮嘉熙間制置使
司調明溫台三郡民船防定海成淮東京口
歲以爲常而船之在籍者垂三十年或爲風
濤所壞或爲盜賊所得者存實亡每按籍科
調吏並緣不卹有無民苦之寶祐五年七月
大使丞相吳公慨然曰人心固則天險固根

本動搖奚恃無恐乃立爲義船法白于

朝下之三郡令所部縣邑各選鄉之有材力者以主團結如一都歲調三舟而有舟者五六十家則衆辦六舟半以應命半以自食其利有餘貲俾蓄以備來歲用凡丈尺有則卽烙有文調用有時井然著爲成式且添置幹辦公事三員分蒞其事三郡之民無科抑不均之害忻然以從船自一丈以上共三千八百三十三隻以下一萬五千四百五十四隻又下而不堪充軍需者或謂飄忽去來於滄

溟汗漫之中呼僑嘯侶亦得以貽吾憂併爲
之印籍陰寓防閑公先事而慮銷患未形至
是無遺筭矣

省劄

奉司自嘉熙年間準

朝廷旨揮團結溫台慶元三郡民船數千隻
分爲十番歲起船三百餘隻前來定海把隘
及分撥前去淮東鎮江戍守夫以百姓營生
之舟而拘之使從征役已非人情之所樂使
行之以公加勉必不擾則民猶未爲大害柰

何所在邑宰非貪即昏受成吏手各縣有所謂海船案者恣行賣弄其家地富厚真有巨艘者非以賂囑胥吏隱免則假借形勢之家拘占惟貧而無力者則被科調其二十年前已籍之船或以遭風而損失或以被盜而陷沒或以無力修葺而低沉或以全身老朽而弊壞往往不與銷籍歲歲追呼以致典田賣產貨妻鬻子以應官司之命甚則弃捐鄉井而逃自經溝瀆而死其無賴者則流爲海寇每歲遇夏初則海船案已行檢舉不論大船

小船有船無船並行根括一次文移漏於村落乞取竭於雞犬環三郡二三百里之海隅民不堪命目不聊生待至起到舟集則火抵舊弊破漏不及丈尺真具則踈略稍火則脆弱亦姑以具文塞責而已民被實擾官虧實用且天險之防以人心為本而先使百姓憔悴根本動搖脫有緩急憊特而亡恐已結為義船法謂如一都每歲合發舟而有船者五六十家則令五六十家自以事力厚薄辦船六隻船身必堅耐貢具必齊整稍火必

強壯歲發三舟而以三舟在家營生一歲所得之息則以充次年修船辦貢具招梢火之用幸以程限守以信必每歲遇當把隘之日則如期駕發以至軍港聽候調遣於是有船者無倖免之理無船者無科抑之患永絕姦胥猾吏賣弄乞覓之苦永銷濱海居民破家蕩產之憂人心固則天險固三郡邊海之人莫不欣然聽從徇將就緒實爲海道無窮之利

朝廷照得義船結約並果民戶樂從則速與

行下但船久則有損弊民戶它日寧無貧富
不齊須與入細立為經久不廢之規使官司
民戶兩便方可行

聖旨依劄送沿海制置大使司關牒施行

慶元府六縣共管船七千九百一十六隻

一丈以上一千七百二十八隻
一丈以下六百八十八隻

鄞縣六百二十四隻

一丈以上一百四十隻

一丈以下四百八十四隻

定海縣一千一百九十一隻

一丈以上三百八十七隻

一丈以下八百單四隻

象山縣七百九十六隻

一丈以上一百二十八隻

一丈以下六百六十八隻

奉化縣一千六百九十九隻

一丈以上四百一十一隻

一丈以下一千二百八十八隻

慈溪縣二百八十二隻

一丈以上六十五隻

一丈以下二百一十七隻

昌國縣三千三百二十四隻

一丈以上五百九十七隻

一丈以下二千七百二十七隻

温州四縣共管船五千八十三隻

一丈以上一千九十九隻
一丈以下二千九百八十四隻

永嘉縣一半六百單六隻

一丈以上二百五十九隻

一丈以下一千三百四十七隻

平陽縣八百單九隻

一丈以上三百隻

一丈以下五百單九隻

樂清縣一千六百八十六隻

一丈以上三百七十一隻

一丈以下一千三百一十五隻

瑞安縣九百八十二隻

一丈以上一百六十九隻

一丈以下八百一十三隻

台州三縣共管船六千二百八十八隻

一丈以上一千單六隻
一丈以下五千二百八十二隻

寧海縣二千八百單九隻

一丈以上二百八十八隻

一丈以下二千五百二十一隻

臨海縣

一千九百七十四隻

一丈以上五百五十二隻

一丈以下一千四百二十二隻

黃巖縣

一千五百單五隻

一丈以上一百六十六隻

一丈以下一千三百三十九隻

出戍

祖宗時內而三衙外而諸指揮皆禁旅也

南渡初新置江上諸都統內不允三衙之數
外不損諸指揮之額於是禁軍之在諸郡
養驕侈坐縻厚稍而三衙乃間有出戍者
大使丞相吳公深病之故凡出鎮藩閫每欲
昭明此意及制置沿海三年無日不申徹之
至寶祐六年

密院調遣之初諸郡至有相顧睥睨者獨慶
元曾不移時如獲食節會然報應了無稽遲

迨其還歸終始就律遂爲諸郡之冠蓋公信
義素著恩威兼行固有不疾而速不行而至
者于今邊戍未撤甲兵之問日至
廟堂是不可不詳紀以詔來者

寶祐六年八月準

密劄節文勘會近京湖沿江副制司之兵節
次遣調戍廣戍蜀戍沅靖動數萬計竊恐沿
江防守單弱權宜於內地禁軍量摘內慶元
府選揀五百人時內郡紀綱積弛尺籍積驕
弓矢干戈積廢不治獨慶元自

大使丞相吳公開藩以來撫御閱習紀律素
嚴淬礪繕修器甲素備 命下不兩日集
遣發軍容整肅命計議洪易簡部之自裁
昇見者莫不起色若軍裝則隊身衣甲
副紅布衲襖五百領皮束帶五百條
巾五百頂繡傘五百柄鞦鞋五百
則滴油箭一萬二千隻長鎗一百二十八條
腰刀一百七十柄弩二百枝腰斧三百
鎗三十條麻札刀一十柄箭葫蘆一百二十
筒油絹弩一百二十箇小陣鼓一十二面

鑼四面梆子四條若旗幟則慶元府將兵旗一面轉光旗三十面長鎗旗一百八十面攔前後旗二面擁隊押隊旗二十四面額外管押訓練肅靜旗三面令牌二面隊教頭旗一十面若火隊器具則鐵鍋六口水桶一十二隻羹桶一十二隻飯籬一十二隻飯升六隻爪籬木杓一十二副飯栲栳二百九十八箇撈米箕二十隻鋤頭一十二柄鍬一十二柄盛米布袋四十隻匾擔六十條麻彈索四垂條此役也總轄官劉永搞三百貫攔前後將

官二員各一百貫本部將官二員每員各八十貫撥發訓練官五員每員各七十貫合千人七十七人每名各六十貫隊身官兵四百二十七名各五十貫外科軍醫一名一百貫方脈醫人一百貫扛令牌軍兵四名白直二名每名各二十貫帶行白直一十二名每名各一十五貫遣發次再奉 鈞旨出戍軍兵恐或病患支二千貫專充收贖藥餌續文發一千貫贖差雇烏頭船二十隻乘載官兵衣甲軍器錢糧等物至西興每隻照例支雇錢一百

五十貫共三千貫又自北關門產大航船二十隻至鎮江府每隻照例支產錢五百貫共一萬貫其間出戍死亡之人奉 鈞判各家優支家糧五月併給春衣更支一百貫追薦津送續戍兵已滿一季又復存留再奉

鈞旨等第支犒共官會一萬三千九百三十五貫賁赴戍所至仲冬嚴寒

大使丞相深念采薇之戍必動鄉尊之思專差將校賁官會五千五百四十五貫江蠶一千四十九箇郎君魚五百六十五斤石首鮓

五百兩十五斤分犒戍所官兵總轄官劉永
三百貫部轄將佐三員各五十貫江蠶二箇
半石首煮二斤郎君魚二斤撥發官一員一
十五貫江蠶二箇半石首煮二斤郎君魚二
斤訓練官一員贊各一十五貫江蠶二箇半
石首煮二斤郎君魚二斤押擁隊壕寨官至
諸項職掌以共軍軍力各一十五貫江蠶
二箇半石首煮二斤郎君魚二斤信兵四百
五兩九人各一十五貫江蠶二箇半石首煮二斤
郎君魚二斤職掌並獎勸訓教養與主貫江

蠶一箇石首鱖二斤郎君魚二斤兵士激烈
恩遇以至感泣蓋說以使之忘其死矣開慶
元年四月二十日劉永自鄴回戎犒一千貫
酒一十瓶副部官董偉犒一百貫酒四瓶撥
發塲寨司屬訓練官擁押隊四十人各犒六
十貫酒六升錢糧火隊司押教諸色教頭二
十三人各犒五十貫酒五升隊教頭旗頭隊
司五十人各犒四十五貫酒三升隊身官兵
三百八十二人各支四十貫酒二升共計支
錢三萬三千六百八十貫酒四百三十七瓶

水關

舟師東南長技自紹興二年沿海置司以來蒐
練之術甚疎然用之懾伏海盜尚足爲當道
之老熊也淳祐間始遣戍上流而兵備分於
是委樓櫓艘艦廢而不理而重兵者日以
培剋苞苴爲事

太使丞相如憐團結頻海諸郡既藉以增壯
遂於三江金身殿船共閱之蛟龍在淵網罟
不施東盡稽海一目無際發之意遠矣

寶祐興寧十月十五日

日奉

大使判府大觀文丞相樞使國公批牌鈞判
朝廷日嚴海道之防但調遣兵船猶不暇給
內地豈容空虛又準

朝旨一面團結溫台明越巨舟以助官司之
所不及今差人抄劄到自來商販上戶之家
出等大船二十隻送專行司只令差官拘
點每船以五十人爲率每名本府月支錢五
十貫米一石二斗上項船專留江下不時輪
番下海巡邏以鎮壓鼠狗之盜限一日條具
合行事件申未及奉行而船戶莫不響應冬

以保護鄉井為心競出大舟分泊府岸於是
得大料船共二十四隻分為兩部又招募到
駕船水手一千二百人給口券養之自十月
朔為始至明年三月晦終焉首尾五月總支
錢二十五萬貫文自團結以至放散其間不
時激犒約十萬貫共用錢三十五萬貫文米
六千石其錢本司自行撙節措辦惟米無所
從出竊攷前權郡余通判元借

朝廷義倉米七千石見行拘監填補遂申
尚書省乞就以此米應副水手支用十月二

十九日三省同奉

聖旨特依遂差本司計議官洪易簡充提督
帳前水軍統領充錢糧官并各支撥官錢鼎
造軍器旗號及水手軍裝亦用錢十餘萬緡
繼檄定海統制邢子政選駕軍船一十隻並
赴府港赤馬白鷄在焉以十二月三日
大使丞相就下卸門外江館按眎教閱先一
日雨徹旦翌曉晴霽迨午風起雲揚潮勢增
壯舟船上下旗幟精明砲擊檣衝觀者如堵
以爲自有沿海制司所未見也復就委邢統

制統率上項軍民船於次日出海上至澈浦
下至神前石衛迤邐出放大洋巡遶至二十
三日自海回府仍擺府岸環海聞之肅懾已
申密院照會續以邊報未靖至四月中方
行放散水手頭目以下等第支犒約三萬緡
其民船二十三隻並令從便惟王紹祖一船
面闊三丈五尺元係獻助防海嘗申
朝廷奉省劄行下拘椿本司聽候
聖旨差撥

作院

除戎器戒不虞聚而有防也

大使丞相吳公旣建武藏以藏兵敕乃甲冑
敵乃千無敵不弔遂以慶元府甲仗庫帳前
庫應管軍器並改隸制置大使司院十有三
作曰大爐作曰小爐作曰穿聯作曰磨鏐作
曰磨擦結裹作曰頭魁作曰熟皮作曰頭魁
衣子作曰弓弩作曰箭作曰漆作曰木弩椿
作曰木鎗作曰役軍民匠人軍匠日
支錢三百文米二升酒一升民匠一貫五石

文諸軍子弟匠五百文米酒視軍匠之數以
民匠勞逸不均則下定海奉化鄞縣照籍輪
差每四十日一替起程錢各五貫回程十貫
繇是人皆樂赴其役軍需物料官給直無取
於民院有受給庫而又有子庫以受日造之
物凡創造到諸色軍器衣裝等物總十一萬
九千五百件繕修者不與焉鶴膝犀渠武庫
森列蓋百年之所未見孟明之言曰鄭有備
矣其斯之謂與訓工程作於寶祐六年之十
月迄開慶元年五月支過錢

鐵甲頭魁披膊壹阡伍佰單肆副

紅槍叁阡陸佰叁拾柒條

紅衲襖并腿裙壹阡副計貳阡件

黃布衫玖佰領

黃布軟纏伍佰肆拾伍領

紅布衫柒佰肆拾貳領

皮條壹仟壹伯陸拾肆條

頭巾伍伯單伍枚

吞項壹伯肆拾肆箇

雜色旗幟陸伯捌拾捌面

朱紅笠頭伍伯肆拾玖頂

黑漆筋角弩壹伯枝弦索全

黑漆筋角弓貳伯張弓絲弦壹百條

木弓壹伯張并弦

木弩叁伯枝弦索全

弓箭叁仟隻

白皮箭韞伍伯玖拾伍箇

滴油箭貳萬壹阡叁佰隻

滴油箭壹肆伯捌拾玖箇

遮箭牌叁拾面

雜色叉肆伯貳拾管

雜色鎗壹伯柒拾柒條

梭木棒叁伯肆拾叁條

刀鞘捌伯捌拾玖箇

弩椿肆伯貳拾壹口

腰刀壹阡肆伯叁拾玖柄

斧頭肆伯伍拾貳柄

雜色弓弩箭頭柒萬伍仟陸伯伍拾隻

划車弩椿伍拾捌口

木槍桿叁伯肆拾玖條

鎗鑽頭壹伯捌拾貳管

戰鼓壹拾肆面

陣鼓貳拾面

鑼壹拾肆面

皮馬甲壹副

黑漆光羹桶伍拾副

紅油水桶伍拾隻

紅油吊水桶貳拾伍隻

鐵鍋伍拾口

紅油飯簍伍拾隻

米斗貳拾隻

米升貳拾隻

飯升篋貳拾隻

瓜籬叁拾箇

船艖壹拾伍條

雨傘壹佰肆拾伍頂

隔箭布條肆片

武藏

武藏即甲仗庫也先是置於設廳前二廡之間上下眎爲丈具歷三十年無一器一甲之增暇日閱之矢無鏃鎗無鏃鼠穴蟲蠹積塵幾尺蓋作院之政不修悠悠汨汨狃於宴安其號爲脩治者反不過困於科歛兵食諉其事於水軍而已

大使丞相九開藩閫所至繕甲治兵其來鄞也日計而申徹之未幾所積旣富日贍月衍遂度地酒庫之北教場之南東阻郡圃西抵

子城爲樓屋二十四間大門七間隨廊十間
並棧之以閣櫺窻疎明半板半簾風日迥透
而蒸醖不侵分爲六庫庫各有目榜之曰武
藏藏之爲言藏也蓋公以文事必有武備又
不欲暴之群目睽睽之所故欲人不得其門
而入而藏諸此且世之玩愒時日懵不知修
車馬備器械者固不足道至有經意於此者
率皆表襮夸詡眎古人藏武不用者則又有
逕庭公之備也豫而公之藏也密吁旨哉武
藏大扁乃公所自題而所藏兵器舊旣無管

今具載作院新造之目去

小教場

小教場舊志書射亭在九經堂後而限桃源洞於北每習射無以過憧憧往來開慶改元春庶政咸理乃遷舊圃於府堂後而取蒼雲堂之北爲小教場然後自府堂而郡圃自郡圃而教場各適其便教場門不易舊而取徑以達則大人堂門在徑之東新桃源門在徑之西自大人堂接閱武廳爲至十三間以處士卒而前爲節廡名類箭所教場之內東爲閱武廳三間軒峙其下後居以室屏刻師卦西

爲霸王臺前棲鵠焉武藏之門實居其南教
場東西相距五十五丈墻高一丈九尺視舊
觀開廣明敞矣時帳前多江淮將校步驟其
中意若矜壯焉

帳前撥發壕寨官舍

撥發以授師律壕寨以飭頓舍所在制府必先之蓋所以重元戎也沿海設垣左馮承平時議不及兵凡軍政皆相安簡陋而已

大使丞相建閫以來中權振厲武備修明部曲秩然分隸戲下廼即儀門外之東西創添撥發壕寨以次官舍十有八間凡器具無一不備於是油幢氣象益嚴肅焉

東廊

都撥發官房三間軒屋一間

撥發官房一間

撥發司房一間

押教房一間

教頭房一間

金鼓教頭房一間

雜職房一間

西節

都壕寨官房三間軒屋一間

壕寨房一間

壕寨司一間

制司將佐房一間

局兵房一間

四明續志卷第六